



Normalvedtekter for fylkesledd av 4H Norge

Vedtekne av landsstyret i 4H Norge 6. august 1990. Sist endra 28. april 2019.

§ 1. Namn

4H (Namn på fylket) er namnet på organisasjonen 4H Norge sitt fylkesledd.

§ 2. Fylkesårsmøte

4H-fylkesårsmøtet er 4H Norge sitt høgaste organ på fylkesplan. Fylkesårsmøtet har eit overordna ansvar i organisatoriske og økonomiske spørsmål for 4H-arbeidet i fylket.

a) Samansetning

Fylkesårsmøtet er samansett av:

- 1) To (2) representantar frå kvar klubb valde på årsmøta i klubbane
- 2) To (2) representantar for 4H-alumnane i fylket, valde på årsmøtet i alumnklubben
- 3) Ein (1) representant for dei frammøtte arrangementsmedlemmane i fylket. Denne representanten veljast av og blant dei frammøtte arrangementsmedlemmane under konstitueringa av fylkesårsmøtet.
- 4) Ein (1) representant for dei frammøtte kløvermedlemmane. Denne veljast av og blant dei frammøtte kløvermedlemmane under konstitueringa av fylkesårsmøtet.
- 5) Ein (1) representant for dei frammøtte 4H-gårdane/4H-setrene. Denne veljast av og blant dei frammøtte frå 4H-gårdane/4H-setrene under konstitueringa av fylkesårsmøtet.
- 6) Ein (1) representant frå fylkesleddet til kvar av medlemsorganisasjonane i 4H Norge. Desse møter utan røysterett. I tillegg til dei organisasjonane som er tilslutta 4H Norge. sentralt, kan fylkesårsmøtet etter innvotering knyte til seg andre organisasjonar, grupper og institusjonar som er av særleg interesse for 4H-arbeidet i fylket.
- 7) Medlemmene i fylkesstyret.

b) Møte

Ordinært fylkesårsmøte vert halde kvart år innan utgangen av mars. Tid og stad vert fastsett av fylkesstyret i samråd med ordføraren i fylkesårsmøtet. Fylkesårsmøtet vert kalla saman og leia av ordføraren. Innkalling med sakliste skal sendast ut minst seks (6) veker før møtet. Saksdokument som planar, vedtektsendringar, valkomiteen si innstilling og ev. andre prinsipielle saker skal sendast ut saman med fylkesstyret si innstilling samtidig med innkallinga. Andre saksdokument skal sendast ut minst to (2) veker før møtet. Årsmøtet skal offentliggjerrast for arrangementsmedlemmer ved at sakliste og saksdokumenter leggjast ut på 4H (namn på fylket) heimesider etter



same fristar som omtalt over.

Rett til å sende inn saker til fylkesårsmøtet har 4H-fylkesstyret, 4H-klubbane, medlemsorganisasjonane og dei valde årsmøtere representantane.

Fylkesårsmøtet kan gjere gyldige vedtak når minst ein tredel av dei røysteføre årsmøtere representantane er til stades. Dersom det ikkje er meir enn 1/3 av dei røysteføre årsmøtere representantane til stades på møtet, må årsmøtevedtaka godkjennast av sentralstyret for å vere gyldige.

Vedtak i fylkesårsmøtet vert gjort med absolutt fleirtal når ikkje anna er nemnt i vedtektene. Blanke røyster vert rekna som gyldige røyster.

Ordinært fylkesårsmøte skal handsame:

- 1) Val av referent til å føre protokollen
- 2) Val av to (2) representantar til å skrive under protokollen saman med ordføraren
- 3) Forretningsorden for årsmøtet
- 4) Årsmelding frå fylkesstyret
- 5) Revidert rekneskap
- 6) Prinsipielle spørsmål reist av landsstyret, eller saker som klubbane eller fylkesstyret ønskjer å drøfte. Slike saker skal vere komne til fylkesstyret seinast tre (3) månader før årsmøtet.
- 7) Arbeidsplan
- 8) Budsjett
- 9) Tilsetjing av revisor
- 10) Val av:
 - a. Ordførar og varaordførar for fylkesårsmøtet. Funksjonstid eitt (1) år.
 - b. Medlemmer til fylkesstyret:
 - i. Leiar for fylkesstyret vert vald først med funksjonstid eitt (1) år
 - ii. Tre (3) styremedlemmer vert valde med funksjonstid to (2) år, slik at ein (1) og to (2) er på val annakvart år.
 - iii. Dersom den oppnemnde styremedlemmen vert vald som leiar, skal det veljast ein (1) ekstra styremedlem med funksjonstid eitt (1) år.
 - c. Tre (3) varamedlemmer til fylkesstyret i rekkjefølgje. Funksjonstid eitt (1) år.
 - d. Representant(ar) med vararepresentant(ar) til landsmøte for 4H Norge
 - e. Valkomite på tre (3) medlemmer med funksjonstid tre (3) år. Det vert vald ein(1) medlem kvart år.
 - f. Tre (3) varamedlemmer til valkomiteen med funksjonstid eitt (1) år.

Alle val skjer mellom 4H sine medlemmer.

Minst ein av representantane må vere i plakettløpet.

Medlemmene i fylkesstyret har ikkje røysterett ved handsaming av årsmelding og rekneskap.

Det skal vere skriftleg val på leiar og styremedlemmer. Ved personval utanom leiar og styremedlemmer, skal det vere skriftleg val dersom det er framlegg om meir enn



ein kandidat. Blanke røyster vert rekna som gyldige røyster.

Ekstraordinært fylkesårsmøte vert halde når fylkesstyret eller minst 1/3 av årsmøtorepresentantane krev det. Berre dei sakene som er nemnde i innkallinga, kan handsamast. Innkalling og tidsfristar er som for ordinært fylkesårsmøte.

Reise- og opphaldsutgifter for representantane til fylkesårsmøtet vert dekte av den dei representerer.

Det skal førast protokoll frå fylkesårsmøtet.

§ 3. Fylkesstyret

Fylkesstyret har minst fem (5) medlemmer: Leiar, nestleiar og minst tre (3) styremedlemmer valde av fylkesårsmøtet blant 4H sine medlemmer.

Fylkesstyret kan i tillegg ha ein representant/observatør frå relevante samarbeidsmiljø.

Alumnklubben i fylket kan møte med ein representant som observatør utan røysterett. Ordføraren i fylkesårsmøtet kan delta i fylkesstyremøta utan røysterett.

Fylkesstyret vel sjølv sin nestleiar. Funksjonstid eitt (1) år.

For gyldig vedtak i fylkesstyret vert det kravd at minst tre (3) medlemmer har røysta for framlegget.

Fylkesstyret skal m.a.:

- 1) Vere styringsorgan for 4H-arbeidet i fylket i samsvar med 4H Norge sine lover og vedtak gjort av landsmøte for 4H Norge, fylkesårsmøtet, landsstyret og sentralstyret.
- 2) Ha ansvar i organisatoriske og økonomiske saker for 4H i fylket
- 3) Leggje hovudvekt på handsaming av prinsipielt viktige saker som gjeld utvikling av 4H-arbeidet og utnytting av organisasjonen sine ressursar i fylket
- 4) Arbeide med langtidsplanar og -budsjett
- 5) Forvalte fylkesorganisasjonen sine midlar
- 6) Sørgje for at 4H-klubbane, 4H-gårdane / 4H-setrene, medlemmene og klubbrådgjeverane får best mogleg støtte og rådgeving i 4H-arbeidet sitt
- 7) Fremje innstilling i dei sakene som 4H-fylkesstyret får oversende til uttale frå landbruksavdelinga hos Fylkesmannen
- 8) Leggje arbeidet til rette for, og styrkje 4H-nemndene i kommunane
- 9) Byggje ut og skaffe økonomi til organisasjonsrådgjevar i fylket
- 10) Gjere avtalar med landbruksavdelinga hos Fylkesmannen, organisasjonar på fylkesplan og andre
- 11) Halde konferansar og kurs for medlemmer, klubbrådgjeverar og tillitsvalde
- 12) Vere ankeinstans for saker som er avgjort av klubbane
- 13) Vedta reglar for reiseutjamning for klubbane sine representantar til fylkesårsmøta
- 14) Arbeide med andre aktuelle oppgåver for 4H-arbeidet i fylket.

Fylkesstyret kan oppnemne utgreiingsutval for spesielle saker.



Leiaren i fylkesstyret (eller nestleiaren) og den med det daglege leiaransvaret av tilsette blir tildelt prokura.

§ 4. Vedtektsendring

Fylkesårsmøtet vedtek sjølv vedtektene sine etter mønster av normalvedtekter for fylkesledd av 4H Norge. Vedtektene og eventuelle endringar av desse, skal godkjennast av sentralstyret før dei er gyldige.

Framlegg til endringar av vedtektene for 4H-arbeidet i fylket, kan leggjast fram av fylkesstyret eller minst fem (5) medlemmer av fylkesårsmøtet. Slikt framlegg må vere komme til fylkesstyret minst fire (4) månader før det fylkesårsmøtet som skal handsame saka. Framlegget skal sendast til representantane i fylkesårsmøtet saman med fylkesstyret si innstilling minst seks (6) veker før årsmøtet. Vedtektsendring krev at minst 2/3 av dei frammøtte årsmøtere representantane røystar for.

§ 5. Oppløysing

Fylkesårsmøtet kan ikkje vedta å oppløyse 4H-arbeidet i fylket. Fylkesårsmøtet kan etter vedtak med 3/4 fleirtal av dei frammøtte årsmøtere representantane i to (2) ordinære fylkesårsmøte på rad, oppmode landsstyret om mellombels å leggje ned verksemda i fylket.

§ 6. Iverksetjing

Vedtektene er fastsette på fylkesårsmøte den (dato)
godkjende av sentralstyret i 4H Norge den (dato)
og gjort gjeldande med verknad frå den (dato).